

四庫全書

史部

欽定四庫全書

史部

平定準噶爾方略前編卷二十四至
二十七

詳校官監察御史臣孫家賢

通政使司副使臣莫瞻菴覆勘

總校官進士臣朱鈐

校對官中書臣李斯咏

謄錄監生臣李亭植

欽定四庫全書

平定準噶爾方略前編卷二十四

雍正九年夏六月庚戌

寧遠大將軍岳鍾琪疏報巴里坤城工

岳鍾琪疏言臣遵

旨於巴里坤相地築城方八里高二丈城基廣二丈頂

一丈於歲之四月十五日興工以及月城礮臺

角墩礮臺一切於五月二十九日竣事其堞樓

石橋角樓方次第建築所費工價等項具冊呈
請核銷奏入得

旨下部知之

辛亥

寧遠大將軍岳鍾琪奏援吐魯番

命密籌定議以聞

岳鍾琪疏言賊人圍魯克察克四十餘日不下
復以木梯三百攻喀喇和卓城堡回漢兵前後

殺賊凡五百餘賊聞大兵將至輒倉皇遺棄器仗馬匹及所炊熟食而退總兵官張元佐等倍道追之賊已竄散即抵魯克察克城下回目額敏和卓及老幼男女出郭歡迎張元佐等雖並奮勇滅賊而天暑馬乏不敢窮追今臣以撥往馬兵駐一千於魯克察克餘悉撤回倘賊又率二三千人來侵官兵與回兵已足抵禦若傾衆而來臣當親統大軍勦殺俟我軍進擊烏魯木

齊後可令官兵千人護送回民移入內地奏入
得

旨賊夷侵犯吐魯番之衆實由我軍屯運糧石啟釁以
致有不得不應援之勢今官兵遠行空勞往返恐將
來似此無益之舉正多不知大將軍亦曾計及以否
此番回民感戴救濟之恩歡聲大震恐將來賊夷切齒
於吐魯番必思報復以大力侵凌之儻至狼狽流離
時不知仍似此感戴乎目今賊夷以三萬衆侵犯北

路現據靖邊大將軍傅爾丹等奏報前岳鍾琪曾有
親統大兵前往吐魯番勦殺而留紀成斌看守之奏
假若賊人由番不向北路而向西路將賊衆分為兩
大隊以一隊先侵吐魯番及岳鍾琪領兵應援前往
賊人又以大隊侵犯軍營再散其醜類於塔勒納沁
及圖古里克等處不知我軍之力尚可從容肆應否
今賊夷圍困魯克察克喀喇和卓二城官兵冒暑遠
行疲勞士馬未遇一人未戮一賊而岳鍾琪奏摺中

有奮勇滅賊之語將以此番之舉遂為建功樹績於
戎行乎賊夷聞風而遁可謂懼我軍威乎即留兵駐
防與遷移回衆朕意尚無定見大將軍身在軍營與
遙揣者不同若果確有所見自當因時制宜以身任
之總之向後若有應援吐魯番之舉只可委將發兵
即賊首親來攻取吐魯番大將軍亦不可統兵前往
吐魯番一切事宜岳鍾琪當與伊禮布常賚石雲倬
等詳密籌畫作速定議

壬子

西安鳳翔民納運糧餘米

命賞賚有差

陝西總督查郎阿疏言西安鳳翔二府民輓運
甘肅等處米十五萬石恐長途耗損每一石輒
多持一二升為備今一路安行米無虧折收糧
有司累報餘米前後可得千餘石並令收貯奏
入得

昔數年以來秦省民人運送軍需俱無遲誤是以朕屢次加恩以示優恤茲因輓運西鳳米糧以資軍食特令加添腳價務期運送從容而領運之民人等敬謹承應於交完正米之外尚有餘米交官其急公敬事之念甚屬可嘉著該署督等查明交米多寡之數分別賞賚務令本人實霑恩賜勿致胥吏中飽以副朕加恩秦民之至意

命執叛賊諾爾布等至京鞠訊

協辦西寧總兵官事務德成等奏言擒獲叛賊
諾爾布里塔爾等詢之云青海諸部合謀令我
率騰格里兵為逆郡王額爾德尼額爾克托克
托鼐之子阿喇布濟亦欲作亂陰約以青海全
軍為援奏入得

旨朕料青海王台吉等世受國恩斷無負恩背叛之事
親王察罕丹津一聞伊姪拉察卜遁逃即遣人追趕
郡王盆蘇克旺扎爾聞達什策凌搬移即率兵將達

什策凌帶回郡王額爾德尼額爾克托克托孛父子
宣力行間伊子協理台吉阿喇布濟現在與恭格一
同追擒諾爾布伊等果有異心寧肯如此奮勉宣力
乎著將諾爾布里塔爾俱解送來京訊明緣由再行
辦理

丁巳

命樊廷候

旨再行陞見

上諭兵部曰前降旨令陝西固原提督樊廷於秋涼時
來京陛見其印務著范時捷署理今署陝西西大通
總兵官管承澤帶領兵丁前往柴達木地方駐劄其
西大通總兵官印務著范時捷即前往署理固原提
督事務際要樊廷到任且不必來京陛見候諭旨行
若有應奏事宜著具摺陳奏

戊午

甘肅巡撫許容條奏青海事宜

許容奏言亂賊諾爾布等攪擾臺站較拉察卜等罪尤重大達什策凌現已擒獲應請即明治其罪諾爾布妻子已檻送京師其逃遁之衆務期追獲誅其魁首庶足以示懲創又西寧兵馬鎮標額兵四千城守營兵二百五十益之以西安綠旗兵一千滿洲兵一百及應援等兵通計不下五千有餘更以土兵協助士馬富強守禦援勦無虞不足應請無庸加增又按西寧至柴

達木八百餘里青海居其中應請於適中形勝之地移駐滿漢兵彈壓又西大通一鎮左為西寧唇齒右為涼甘藩籬關係綦重今署總兵官印務管承澤為人巽懦退縮似非將才德成馮

允中雖同往來署理亦不能分身坐鎮應請旨特簡專員管理印務又噶斯統兵大臣格默爾於諾爾布等既不能撫馭安輯於前又不能即行擒勦於後未足膺茲鉅任副統統達鼐辦理數年

夷情地理皆悉近復追擒拉察卜等或宜以之
專司統領以重職守又青海諸部宜加宣諭我
皇上懷柔荒服一視同仁即如採買駱駝馬羊諸物亦
就彼所欲售從優給直况興兵費帑實以塞外
回民為準夷凌暴取彼兇殘以安良善司事各
官均宜奉揚德意明白開諭庶俾夷衆咸得曉
然於我

朝覆庇保護之恩各懷尊親之戴矣奏入報

聞

已未

命練習陝西等處新募兵

上諭大學士等曰陝西西安督撫標下俱有新募入伍之兵丁必須勤加操演始可資戰守之用朕思撫標之兵有撫臣親自操演自然技勇日漸嫻熟督臣現駐肅州其標下弁員又大半隨往軍營現駐西安者未必多人或至訓練稀疏亦未可定侍郎馬爾泰辦

理軍需駐劄西安著將督標之兵丁隨時練習加意
教誨務使有勇知方以備國家干城之選

命擢鑲白旗護軍統領公博爾屯為鑲黃旗滿洲都統
正藍旗滿洲副都統覺羅海蘭為鑲白旗護軍
統領仍留軍營

七月癸亥

命籌噶斯柴達木兩路防禦

上諭大學士等曰噶斯一路甚屬緊要現今交青海王

台吉等將伊等游牧之處如何保護備禦等事定議
其柴達木地方不必用青海兵丁駐劄著派內地兵
丁四千六百名防戍

選西安駐防滿洲餘丁給役

陝西西安將軍秦布奏言西安額設兵八千名
今戶口將及四萬請於滿洲餘丁中選千人月
給餉銀一兩米三斗令其給役遇調遣處依馬
兵例撥往事竣陸續裁汰大學士等議覆應如

所請奏入

上從之

丙寅

命議伊遜察罕齊老圖防汛事宜

上諭大學士等曰柴達木之北伊遜察罕齊老圖地方乃直達安西沙州之路為已里坤軍營之後戶關係最為緊要此處或駐兵一千名或八百名建築小城一座以為捍禦再設卡倫以瞭望賊踪僮賊人前來

為數無多即可迎戰勦殺若傾其大衆而來則報知
安西遣兵應援合力攻擊此乃防汛萬全之策若城
工一時難成即先添兵丁為冬月預防之計一切事
宜著大將軍岳鍾琪即行定議舉行若岳鍾琪已領
兵進勦即著副將軍等公同會議辦理

命寬副都統格默爾擅離汛地之罪

上諭大學士等曰駐劄柴達木副都統格默爾擅離汛
地領兵欲回西寧近邊地方甚屬悖謬理應以軍法

從事朕念其派遣弁員追擒青海叛賊諾爾布著免
死革職令往騰格里卡倫効力贖罪

丁卯

命達鼐等防範賊人來投噶斯路者

上諭大學士等曰傅爾丹從前奏稱準噶爾被擒之賊
人丹巴曾供噶爾丹策零之妹夫羅卜藏策凌帶領
所屬三千餘戶來投噶斯一路曾降諭旨與達鼐等
問明緣由令在有水草之處暫行安置今情形甚屬

可疑不可墮其術中著密諭達鼐衆佛保德成等令
其加謹防範不可妄動

戊辰

命撥兵防護四十九旗游牧地

上諭大學士等曰四十九旗扎薩克游牧之地甚屬緊
要令派京城八旗滿洲蒙古兵六千右衛歸化城兵
二千自烏朱穆秦以及烏喇特數扎薩克處派兵三
千共派兵一萬一千名著於八月起程九月間繞至

烏喇特游牧地方後戈壁前適中處駐劄令其防護
游牧地方此所派扎薩克之兵著王扎木巴勒扎卜
統轄每旗各派出協理台吉同往科爾沁等旗派兵
六千盛京派兵五千俱繞至科爾沁迤西游牧地方
後駐劄其駐防烏喇特等處之兵著都統穆森管領
前往副都統薩穆哈協同管轄其科爾沁兵著王羅
卜藏衮布貝子喇什公噶爾弼管轄每旗各派大白
吉同往盛京兵丁著尚書海壽統轄副都統博第黑

龍江副都統多起納協同管轄尋大學士等議以所
選京城滿洲蒙古兵六千每旗應遣護軍參領
一員副護軍參領二員委署護軍參領二員護
軍校七員轄之奏入

上從之

上諭大學士等曰陝西西安巡撫武格著來京有交辦
事件侍郎馬爾泰著署理西安巡撫事務杭奕祿協
辦西安軍需其宣諭化導之事交與史貽直鄭禪寶

分辦

己巳

命撥荊州兵駐劄西安

上諭大學士等曰湖廣荊州兵丁著派一千名令副都統觀音保帶領前往西安駐劄步軍統領阿齊圖有事差往已里坤軍營其印務著莽鵠立署理

庚午

上諭大學士等曰羅卜藏喇錫統領之札薩克兵丁及

盛京烏拉等處之兵從前曾令其至順承郡王軍營駐劄此內若有已到軍營者即駐劄彼處其未到者著在塔米爾地方會同一處駐劄盛京吉林黑龍江之兵著額爾勤統轄烏察喇王常協管

預籌西寧調撥兵丁

大學士等奏言西寧最為要地調兵駐防所當預為籌畫今莊浪乃西寧肅州之要路若增兵二千可供調撥應於西安駐防之江寧河南滿

洲名內撥一千名直隸河南之綠旗兵內撥一千名往駐莊浪再令四川預備四千兵中撥二千名移駐松潘以備西寧調遣奏入

上從之

甲戌

授大學士忠達公馬爾賽為撫遠大將軍赴軍營

上諭大學士等曰大學士忠達公馬爾賽著授為撫遠

大將軍先於孤出京城兵內挑選一千名輕騎前往
圖拉等處形勝之地駐劄會同喀爾喀副將軍王丹
津多爾濟等辦理喀爾喀游牧及一切預備防守事
務副都統達爾濟富昌著同大將軍馬爾賽前去續
著侯馬蘭泰副都統胡琳帶兵一千名前去其餘兵
四千名俱著預備停妥俟大將軍奏請調遣時再令
前往八旗漢軍內派兵四千名著都統李杓祖秉衡
帶領前往四子部落後面水草茂盛之處駐劄以備

調遣其派出右衛及歸化城之兵各一千名俱暫在本地預備調遣其餘兵丁若有調遣之處著馬爾賽會同丹津多爾濟商酌辦理又

諭曰新挑驍勇弁兵一百名著副都統敦巴帶領五十名往駐噶斯留五十名隨大將軍馬爾賽前往每名各賞銀二百兩

乙亥

命減科爾沁扎薩克原派兵丁

上諭大學士等日前派出科爾沁扎薩克等處兵丁共六千名在各游牧處駐劄恐一時未能會集著減去二千名止派四千名預備

借給甘涼等處新募兵丁餉銀并增設教演弁員

甘肅提督宋可進奏言甘涼西寧三處新募兵七千並貧丁請借給餉銀於四季扣償並請每兵一千增設千總二員把總四員與外委千把

分領教演戶部議覆如所請奏入

上從之

寧遠大將軍岳鍾琪請自西路擊賊

岳鍾琪奏言七月初五日北路都統袞泰等咨稱準噶爾賊人以全力北犯圍靖邊大將軍傅爾丹於和通淖爾臣思傳爾丹及從征官兵奮力勦殺自必破圍取勝惟是賊夷傾衆犯北必以往年西路被擾駝馬缺乏有輕視西路之心

臣請率精兵乘此時襲擊烏魯木齊彼恐我師
搗其巢穴自必撤北路之兵反顧伊犁我軍既
挫其鋒即旋師休息是不待戰而賊已疲勞臣
不敢坐失事機今率叅贊提督紀成斌理藩院
侍郎顧魯公衮布都統根敦總兵官張元佐王
緒級等前進其軍營諸務暫交副將軍石雲倬
辦理奏入報

聞

丙子

諭順承郡王錫保慎籌喀爾喀等處戰守機宜

上諭大學士等曰據順承郡王錫保奏稱喀爾喀游牧之處俱已安頓妥協兵丁亦漸次到游牧之界喀爾喀三路副將軍各思効力臣等將禦賊守城之策會同商酌預備等語觀此順承郡王錫保等辦理防範甚屬有方但須謹慎之中愈加謹慎賊人到科卜多修城之處儻不行力戰或暫時圍繞待我策應之師

以施誑誘之計順承郡王喀爾喀副將軍等切勿前往策應致墮賊人術中伊等止應防護喀爾喀游牧並看守察罕度爾地方此最緊要之事果能固守即伊等之功矣若賊人久圍科卜多不去可俟各路兵丁俱到察罕度爾之時錫保等於喀爾喀兵丁及防戍蒙古兵丁內挑選二三千名給與馬匹分為數起晝夜前進或尾賊後乘機將賊人馬駝盡行趕出隨得隨殺賊人牲畜日漸虧損自然逃遁矣但須防其

知覺來追預思保全之策無得鹵莽再我兵果蒙
天眷敗退賊衆亦斷不可深入追擊賊人逃遁後凡應
行看守之處尤宜嚴加防範若賊衆被我兵擒獲或
力窮來歸除兇悍必不容赦者之外其餘稍有可原
即從寬宥斷不可因我兵受害之故妄行殘虐以圖
洩憤至喀爾喀等現在南遷游牧兵丁赴察罕度爾
者甚衆所帶糧糗未必敷用且需火藥鉛彈等物查
察罕度爾所有穀石羊隻等物甚多量我軍足用存

臣請率精兵乘此時襲擊烏魯木齊彼恐我師
搗其巢穴自必撤北路之兵反顧伊犁我軍既
挫其鋒即旋師休息是不待戰而賊已疲勞臣
不敢坐失事機今率叅贊提督紀成斌理藩院
侍郎顧魯公衮布都統根敦總兵官張元佐王
緒級等前進其軍營諸務暫交副將軍石雲倬
辦理奏入報

聞

丙子

諭順承郡王錫保慎籌喀爾喀等處戰守機宜

上諭大學士等曰據順承郡王錫保奏稱喀爾喀游牧之處俱已安頓妥協兵丁亦漸次到游牧之界喀爾喀三路副將軍各思効力臣等將禦賊守城之策會同商酌預備等語觀此順承郡王錫保等辦理防範甚屬有方但須謹慎之中愈加謹慎賊人到科卜多修城之處儻不行力戰或暫時圍繞待我策應之師

以施誑誘之計順承郡王喀爾喀副將軍等切勿前往策應致墮賊人術中伊等止應防護喀爾喀游牧並看守察罕度爾地方此最緊要之事果能固守即伊等之功矣若賊人久圍科卜多不去可俟各路兵丁俱到察罕度爾之時錫保等於喀爾喀兵丁及防戍蒙古兵丁內挑選二三千名給與馬匹分為數起晝夜前進或尾賊後乘機將賊人馬駝盡行趕出隨得隨殺賊人牲畜日漸虧損自然逃遁矣但須防其

知覺來追預思保全之策無得鹵莽再我兵果蒙

天眷敗退賊衆亦斷不可深入追擊賊人逃遁後凡應
行看守之處尤宜嚴加防範若賊衆被我兵擒獲或
力窮來歸除兇悍必不容赦者之外其餘稍有可原
即從寬宥斷不可因我兵受害之故妄行殘虐以圖
洩憤至喀爾喀等現在南遷游牧兵丁赴察罕度爾
者甚衆所帶糧糗未必敷用且需火藥鉛彈等物查
察罕度爾所有穀石羊隻等物甚多量我軍足用存

備外著錫保酌量賞給喀爾喀兵丁使之充裕勿存
妄費錢糧難於銷算之見朕斷不因所費過多即加
譴責也將此傳諭順承郡王錫保知之

免黜達什策凌貝勒爵

副都統達鼐等奏言貝勒達什策凌就擒自言
年幼多病聞諾爾布擾臺掠馬時我旗之墨爾
根阿里克鄂木布等與俱大恐於六月八日隨
母遷居游牧內圖古里克之地即告之王盆蘇

克汪扎爾遣人擒墨爾根等非敢遁逃臣思達
什策凌之伯父貝勒達顏其父貝子噶爾丹戴
青諾爾布皆實心報効其伯父歿封達什策凌
為貝子其父歿

皇上施恩合兩爵加封達什策凌為貝勒兼管扎薩克
乃不知感恩仰報無故潛逃請奪達什策凌貝
勒爵或降封貝子或降封公伏候

聖裁奏入得

旨達什策凌年幼無知聽信謠言畏懼遷移並非有意
逃遁且值王盆蘇克汪扎爾追趕即迎前陳訴又將
伊屬下掠馬之人拿送達什策凌從寬免其革去員
勒

丁丑

優賞柴達木駐防兵及青海扎薩克等更戍將卒

上諭大學士等曰駐防柴達木兵丁等前因遺失口糧
借過西寧西大通二鎮官兵一個月米麵著將此賞

給免其扣除還項又

諭曰據副都統達鼐侍郎衆佛保奏稱青海之札薩克等現在聚兵七千名但器械馬匹未能齊備請揀選三千名令其一年一換等語朕所以聚此兵者特為保全伊等家口及游牧之計非為征伐調遣之用也其生計情形從前俱未聞知今據達鼐等陳奏朕心甚為惻然俟從容料理必有加恩之處今所聚兵七千名著選派三千名照朕從前所降恩旨官員賞給

備外著錫保酌量賞給喀爾喀兵丁使之充裕勿存
妄費錢糧難於銷算之見朕斷不因所費過多即加
譴責也將此傳諭順承郡王錫保知之

免黜達什策凌貝勒爵

副都統達鼐等奏言貝勒達什策凌就擒自言
年幼多病聞諾爾布擾臺掠馬時我旗之墨爾
根阿里克鄂木布等與俱大恐於六月八日隨
母遷居游牧內圖古里克之地即告之王盆蘇

克汪扎爾遣人擒墨爾根等非敢遁逃臣思達
什策凌之伯父貝勒達顏其父貝子噶爾丹戴
青諾爾布皆實心報効其伯父歿封達什策凌
為貝子其父歿

皇上施恩合兩爵加封達什策凌為貝勒兼管扎薩克
乃不知感恩仰報無故潛逃請奪達什策凌貝
勒爵或降封貝子或降封公伏候

聖裁奏入得

旨達什策凌年幼無知聽信謠言畏懼遷移並非有意
逃遁且值王盆蘇克汪扎爾追趕即迎前陳訴又將
伊屬下掠馬之人拿送達什策凌從寬免其革去員
勒

丁丑

優賞柴達木駐防兵及青海扎薩克等更戍將卒

上諭大學士等曰駐防柴達木兵丁等前因遺失口糧
借過西寧西大通二鎮官兵一個月米麵著將此賞

給免其扣除還項又

諭曰據副都統達鼐侍郎衆佛保奏稱青海之札薩克等現在聚兵七千名但器械馬匹未能齊備請揀選三千名令其一年一換等語朕所以聚此兵者特為保全伊等家口及游牧之計非為征伐調遣之用也其生計情形從前俱未聞知今據達鼐等陳奏朕心甚為惻然俟從容料理必有加恩之處今所聚兵七千名著選派三千名照朕從前所降恩旨官員賞給

半年俸銀兵丁賞銀五兩一年一次更換其更換之官兵亦照此賞給至兵丁駐防日久盤費未必接續著賞給茶葉緞布等項及每月所食之青稞再撥回之兵丁四千名官員等著賞給三月俸銀兵丁等賞銀三兩令其各回游牧之所準噶爾賊人或來騷擾青海之游牧不可不防朕意欲將伊等游牧豫行從容遷移擇妥協之處居住著伊等會同詳議辦理賊人由遠路前來一無所得不待戰而力盡矣我內地

兵丁與賊交戰時青海三千兵丁但追襲賊後量力將賊人馬匹趕出所得之馬匹即著賞給趕出之人仍計所得馬匹之多寡另行加恩議叙

己卯

命副都統佟時茂劉汝霖偕李杖等率漢軍步兵四千名赴北路軍營

加恩北路軍臺効力官及各蒙古

上諭大學士等曰北路軍臺人員殊屬勤勞應大沛恩

膏此內廢員甚多其因何事革職情由並坐臺已經
幾年之處交吏兵二部查明分晰呈覽朕看其情由
或令開復或行寬免之處另降諭旨其坐臺已逾二
年者俱著另委人員更換至在臺各蒙古俱著加恩
賞賜

命以原任吏部右侍郎阿克敦為額外內閣學士隨撫
遠大將軍印

庚辰

議撤科卜多駐防兵移駐察罕度爾等處

上諭大學士等曰從前令在科卜多地方修城原有駐兵進勦之意今宜以保固疆域為要務賊退之後將科卜多駐防兵丁悉行撤回令於察罕度爾扎卜堪等處駐劄近於喀爾喀之游牧便彼此易於策應著行文大將軍傅爾丹順承郡王錫保會同喀爾喀副將軍等定議具奏至科卜多兵丁或乘青草即行撤回或俟阿爾台嶺下雪之後徐徐撤回令伊等公同

酌量料理

宣諭青海王貝勒等

上諭青海王貝勒貝子公台吉等曰爾等俱係顧實汗之子孫自祖宗以來依附內地邊疆恪順恭職我

聖祖仁皇帝視爾等如子孫撫育六十餘年寵遇之隆至優極渥且念爾等尊崇黃教是以我朝於達賴喇嘛班禪額爾德尼備極恩眷若準噶爾者暗遣賊兵侵犯西地殺害喇嘛毀滅供器實為黃教之罪人爾

等倘違棄先人崇祀之教辜負國家歷沛之恩一家之內興起兵戎以啟賊人僥倖之端雖愚昧之人亦不出此前者羅卜藏丹津聽信流言敢行背叛我朝發兵征勦逃竄在準噶爾處困苦辱恥爾等無不聞知今爾等若到彼處路途如許遙遠馬畜必致疲斃彼豈能為爾等置立產業分與游牧地方令爾等各統所屬依然保聚乎况準噶爾四面皆成讎敵終歲爭戰不休凡用兵之處必置爾等於前虐使任意豈

若各守祖父基業永享太平之為得乎爾等若不熟計利害聽伊誑誘之詞依附賊人妄思蠢動將來與師問罪必先及爾等彼時即欲悔禍國法不爾貸也朕所以頻降諭旨反覆開導令爾等會集兵丁小心防守將屬下人早行移入者實冀保全爾等非欲調遣爾等為進勦之用也爾等當思朕愛護安全之至意詳細曉諭屬下人等合行防範果能遵旨奉行朕自大沛恩膏爾等游牧妻子既無吞併之憂而中外

安居永享無窮之福矣

辛巳

擢鑲藍旗漢軍叅領諾爾琿為兵部額外侍郎赴北路

軍營

甲申

靖邊大將軍傅爾丹奏與賊戰於博克托嶺等處

上命加意防守

先是傅爾丹奏言臣等於六月九日進兵二十日遇賊二萬餘戰累日賊据山扼險遂移營和通淖爾晝夜力戰殺賊數千賊益兵逼我營我軍拔圍且戰且走遂渡哈爾噶納河於七月朔至科卜多築城處以索倫等兵逃歸者訖言都統袞泰遂奏全師失利今聞賊人從科卜多河兩路來犯臣方經理防守之事奏入得

旨前據北路都統袞泰等奏報大將軍傅爾丹等領兵

進勦為賊所困全軍失利彼時已傳諭西路大將軍
岳鍾琪令其加意防守今據傅爾丹奏稱官兵為賊
誘敵臣於七月初一日帶領兵馬回至科卜多軍營
等語是從前北路逃軍所報竟屬子虛不過兵馬有
傷損之處大將軍等原無恙也可即傳諭岳鍾琪知
之總之目前進兵之議且不必言而防守之策倍當
加意著大將軍等照近日諭旨謹慎辦理至是又奏
言臣等於六月十七日獲厄魯特偵者二十三

人供云博克托嶺有賊二千駝馬萬餘臣遣叅
贊蘇圖副都統戴豪等率兵三千往勦十八日
遣前鋒統領丁壽統兵一千五百為援與賊戰
於庫列圖嶺殺賊四百餘賊驅駝馬踰嶺敗遁
十九日丁壽蘇圖等與臣合兵二十日賊兵二
萬餘從高埠衝突我營力戰一日又殺賊千餘
副都統塔爾岱馬爾齊率兵二千奪據西山二
十一日見賊營險隘移營於和通淖爾遣丁壽

蘇圖叅贊覺羅海蘭副都統常祿西彌賴領兵據山梁之東塔爾岱馬爾齊據其西副都統承保居中策應叅贊馬爾薩由東路公達福戴豪在前副都統舒楞額土默特公沙津達賴等在後兼護行營臣傅爾丹統大兵繼進移營時賊人列陣衝丁壽塔爾岱兩軍丁壽等力戰殺賊千餘忽大風雨雹丁壽等遂為賊圍臣遣兵援塔爾岱出之又令承保援丁壽等會日暮圍未

解二十二日覺羅海蘭突圍而出丁壽蘇圖馬爾齊俱自盡常祿陣亡西彌賴命索倫兵援丁壽索倫兵潰西彌賴亦自盡二十三日賊晝夜犯臣大營力戰殺賊五百餘土默特公沙津達賴等及察哈爾等兵皆潰惟滿洲兵四千不動二十四日隨印侍郎永國及覺羅海蘭戴豪俱自盡臣等以兵退步設方營保護輜重以塔爾岱署前鋒統領達福舒楞額殿後承保統右翼

馬爾薩統左翼臣傅爾丹與副將軍巴賽查弼
納往來巡軍副都統德祿捧勅印啟行賊人三
萬四面攻我二十五二十六兩日力戰殺賊千
餘二十七日殿後公達福歿於陣二十八日臣
等渡哈爾噶納河賊人尾追衝突左翼力戰殺
賊五百餘人遂登山嶺分兵為二臣傅爾丹率
德祿承保自右而下巴賽查弼納舒楞額自左
而下臣傅爾丹於七月一日至科卜多修城處

我兵陸續歸營共二千餘人臣傅爾丹遣將士
往迎未歸諸將惟塔爾岱於初七日負傷至營
餘尚未至臣輕舉妄動以至敗績請以臣等正
法用彰國憲奏入得

旨此舉損兵敗績雖屬有罪朕覽爾等之竭履力戰寬
恕其罪痛惻難忍不覺淚下將朕親束之帶賜與軍
營令傅爾丹繫之爾等忿激之下急思報復恐又妄
動賊人雖來不可輕進追擊但能相機堅守即爾等

金史紀事本末卷二十四
之功科卜多地方若難固守可回至察罕度爾駐劄
今已授馬爾賽為撫遠大將軍領兵前來時爾等
公同商酌料理

平定準噶爾方略前編卷二十四

欽定四庫全書

平定準噶爾方略前編卷二十五

雍正九年七月丙戌

上諭大學士等曰吉黨阿著授為護軍統領同欽拜帶
領右衛兵丁前往北路軍前費雅思哈阿福塔齊什
鄂爾多巴什等俱賞給原銜給與俸祿著同庫齊圖
隨漢軍兵丁前往視看道路水草齊什到京後俟馬
蘭泰帶領兵丁起程時一同隨往又

諭曰原任盛京戶部侍郎傅鼐著調回往軍營効力
免治土默特副都統衮布等妻子罪

靖邊大將軍傅爾丹奏請治臨陣逃避弁員之
罪又土默特副都統衮布營總拉察卜叅領塞
楞背

恩降賊情罪尤重請先以其妻子正法

上諭大學士等曰傅爾丹奏稱歸化城之土默特副都
統衮布營總拉察卜叅領塞楞背恩降賊請將其妻

子按律正法等語朕思歸化城土默特等世受國恩
凡遇用兵之地奮勇効力已歷多年總未有一背國
降賊之人今衮布等不顧辱及祖父累及妻子貽羞
於衆土默特縱按律處治罪所應得朕今法外施恩
衮布等之妻子從寬免死仍令伊等照舊安居著行
文與丹津將此悉諭土默特弁兵知之

丁亥

上諭大學士等曰康親王崇安令於八月二十一起

身前往軍前著賞給內庫銀一萬兩其隨往該屬人員照順承郡王出征之例賞給應得馬匹照定例折價交與該王辦理又

諭曰馬蘭泰曾經委署前鋒統領帶領滿兵今滿兵既暫停起身馬蘭泰著同漢軍兵丁前往其卡倫等處行走之滿兵令馬蘭泰專轄又

諭曰八旗漢軍官兵應扣未完車本銀兩著悉行寬免

己丑

訓諭西路軍營防邊破賊事宜

上諭大學士等曰西路防禦賊人之事已屢經降旨與大將軍岳鍾琪等預為留心料理但禦賊之道務須計出萬全朕披覽輿圖見軍營至肅州中間甚為遼闊而邊外一帶如赤金柳溝金塔寺沙州瓜州等處散處之民人甚多牲畜亦衆萬一賊人乘其不備而侵擾之則已里坤之大軍何可分勢於各路堵禦凡此黎元皆吾赤子橫被擄掠荼毒於心實為不忍况

搶奪民人之牲畜即可為賊衆之口糧則與我疲敝
賊人之計亦大相左矣朕意當令民兵預度就近可
居之地一聞賊信即遷移以避之務期免其侵害若
從前駐兵之處有應添兵力以保護百姓者亦著大
將軍即行調撥但不可分大營之兵勢總之使賊人
此次遠來一無所獲所謂不戰而屈人之兵也但須
善於奉行安慰民心勿使驚惶疑惑以致失所此朕
惟恐邊外居民被賊侵害預籌防範之大槩也至於

用兵之道固以防邊固本為先而機會可乘亦不可
夫若但堅壁自守聽其肆行無忌雖有可乘之機仍
復拘泥成見則又恐賊勢猖狂將來何所底止今冬
西路既已預備賊衆若來我師以逸待勞以靜待動
大將軍外觀形勢內度已力儻有可乘之機或發兵
出擊以挫其鋒或堵禦隘口以遏其路或暗中埋伏
以出其不意或趕逐馬匹以驚其衆心亦足使賊人
喪膽但萬萬不可輕舉遠逐以分兵勢大將軍只在

大營調度不可親身前去副將軍等亦酌量行之擊賊之時賊人以馬兵前來我師以步兵出擊實勝于馬兵禦敵不可棄長就短是以現在添派北路兵丁朕將漢軍步兵四千名派往大將軍等當共知此意則派撥各得其宜且使衆人各效其所長而大功可成矣朕又細思西北兩路大營乃防邊擊賊之根本若果兩路大營堅固整齊不為賊人所搖撼則彼必瞻顧徬徨恐我軍截其歸路掃其巢穴不敢肆行無

忌即如今春之率衆潛歸不敢久留西路者恐北路之兵襲其後路也此番六月之不敢逼近科卜多軍營者又恐西路之兵搗其巢穴也目前賊既得志於北路伊知北路兵力不能進取則今冬仍往西路且增添賊衆更多於侵犯北路之力量俱未可知總在大將軍先事圖維臨時權變勿貪功前進勿坐失機宜斯為美善又如賊人侵犯剽掠多在風雨陰晦之時此際天氣潮濕鎗礮之火藥難出弓箭之力量軟

懈二者均未便利當多備手鎗挑刀等械以為擊賊之具可助鎗礮弓矢之力將此傳諭岳鍾琪等知之

八月辛卯

議撥兵駐劄圖拉克爾倫等處

上諭大學士等曰四十九旗扎薩克游牧之地甚屬緊要科爾沁等處游牧兵丁著派數千名駐劄圖拉克爾倫等處現在軍前扎薩克兵丁著撤回數千名與伊等合為一處盛京兵亦派二千名共一萬有零賊

來侵擾喀爾喀等游牧處可以照管爾等會同科爾沁王額駙羅卜藏滾布等詳議具奏尋議選派科爾沁十旗兵二千名教漢等十一旗兵一千名烏朱穆秦十一旗兵一千名軍前撤回兵四千名合盛京派出兵二千名共一萬名遣官管轄給與糧餉如例往駐克爾倫捍禦奏入得

旨此等處兵丁俱行選派暫在該處預備聽候調遣

丁酉

訓諭青海蒙古及諸番夷

上諭青海蒙古及番夷人等曰朕統御萬方凡中外民人皆一視同仁莫不欲使之得所爾等沿邊番夷及青海蒙古同受國家撫綏保護之恩並無歧視目今準噶爾賊人窺伺邊境或將來侵擾青海蒙古而黃河以南之蒙古畏避賊鋒投奔近邊番夷之地亦未可定爾番夷等須留心照看切勿因向日曾有嫌怨乘其危急而加以戕害若蒙古中有不法之徒搶掠

番人者許番人用力抵禦不必退縮將來事定之後
朕自然以理斷其曲直分別賞罰番人蒙古皆朕赤
子果能遵朕諭旨彼此相安同受朝廷之恩澤方是
爾等之福思之思之

高齊特扎薩克多羅郡王阿噶尼斯達卒以其
子策凌喇卜坦襲爵

庚午

諭定康親王崇安赴軍日期並議駐兵處所

上召入出兵王大臣等諭曰康親王本月二十一日不
必起程朕另定日期著王諭所屬人等愛惜馬力相
擇水草從容前往推河等處大將軍馬爾賽到軍營
後或令康親王駐劄克爾倫地方管轄扎薩克盛京
等處兵丁或將扎薩克兵丁派數千名滿洲兵內之
懦弱者派數千名駐劄圖拉克拜達里克等處令
康親王管轄著大將軍馬爾賽順承郡王會同定議
諭吐魯番固守事宜

上諭大學士等曰據副將軍石雲倬奏稱七月十三四
等日有準噶爾賊人侵擾吐魯番副將王廷瑞等分
兵迎敵與賊連戰屢勝生擒賊人七名殺賊二百餘
人獲軍器馬匹不計其數等語王廷瑞分兵迎賊甚
屬孟浪此番賊衆不過一二千人王廷瑞等幸獲小
勝不但不足為喜朕更為吐魯番憂之賊人屢被吐
魯番之敗創其懷恨益深必復以大衆報復石雲倬
可速傳旨曉諭吐魯番嗣後賊人來犯但當堅守城

垣不可迎戰若魯克察克一城可以容住回民人衆則合防守之官兵堅守一城愈妙如一城不能容住多人則別住於相近之喀喇和卓等處將馬匹牲畜速行收拾城中柴草預為多貯以備應用賊衆若分兵來圍彼此堅守堅壁清野俾賊人無所施其伎倆且有大軍襲其後奪取其馬匹坐致疲敝自必遠遁亦不可追逐賊衆長於騎射吐魯番如於馬上比決勝負則回民十不及賊人之一若固守城垣以拒敵

賊人亦十不及回民之一用我之長乘賊之短此萬全無弊之道也凡事持重鎮靜為之但能保護吐魯番城垣人衆其功勝於殺賊多矣

辛丑

諭漢軍兵牧馬行軍事宜

上諭大學士等曰此次派往軍前之漢軍兵四千分作四隊前往第一隊著都統李杓統領二隊著副都統佟世茂統領三隊著副都統劉汝霖統領四隊著都

統祖秉衡統領漢軍人等不善牧養馬匹貝子僧袞
扎卜公羅卜藏策卜登帶領前往之喀喇沁一千兵
亦著分為四隊派入漢軍兵內凡漢軍牧養馬匹與
行軍事宜令其指示著叅贊侯馬蘭泰管理火器營
兵部侍郎諾爾琿沿途照看
在推河地方過冬侯明
年草生時著大將軍馬爾賽另備馬駝接迎漢軍兵
丁將伊等原乘馬匹交與喀喇沁兵暫行牧養此喀
喇沁兵著僧袞扎卜等統領在推河駐劄侯大將軍

到時調遣而行

命舉有功軍校署游擊守備等官

署陝西總督查郎阿奏言陝甘二省值軍興之際一切領兵差委需用將佐甚多仰懇

敕部揀發遊擊十二人守備十二人赴陝備用奏入得旨凡在京引見之武弁稍有可用者朕即分發各省以備題補委署之用安得尚有餘剩人員數十名之多朕思上年冬月陝西固原提督樊廷率領弁兵擊敗

賊衆懋著勞績朕已逾令各回內地營汛休息以示
恩恤凡此有功之人自有材技優長可膺超擢者著
查郎阿問明樊廷等秉公揀選若果奮力行間人材
可用即以微弁兵丁題補委署遊守等缺亦可不必
以越等為嫌務期舉用公當以副朕獎勞賞功之至
意

封喀喇沁固山貝子僧衮扎卜為多羅貝勒

癸卯

靖邊大將軍傅爾丹奏言臣世受

國恩有逾高厚復蒙

皇上榮施望外授以大將軍重任耳提面命訓諭周詳
臣不能遵奉

聖訓妄動輕舉損折將士辜

恩負罪非惟國法不可緩死即臣心亦難以偷生今
皇上不即加誅降

旨慰諭復加賞賜實從古未有之

鴻慈但臣此次進軍失利兵弁被傷臣於時若不鼓勵將士收軍而回轉使賊人得計乃與副將軍已賽查弼納等籌議力衛餘軍奮兵轉戰而出至建城之處以待國討今臣已至城所安置哨站並建諭喀爾喀副將軍等令其運糧固壘以息將士招集商人謐寧蒙古諸務悉已就緒伏乞

皇上速遣賢將統率大軍將臣調回同臣妻子一併正

法以昭國憲奏入得

旨朕從前諭旨甚明朕之處事豈肯不持大義以定是非而聊為此目前慰勉之理惟輕信賊言冒險深入中賊詭計是爾之罪至不肯輕生自殺力戰全歸此爾能辨別輕重之處事定之後朕自有辦理之道爾若念慮紛擾以致血氣消耗不能報讎雪恥上損國威下玷家聲罪尤甚焉爾其勉勵勇氣安心敬攝計圖遠大以答朕恩

丙午

議科卜多察罕度爾等處駐兵事宜

靖邊大將軍傅爾丹奏言科卜多修城處所當

奇蘭及庫列圖二道要隘又逼近布拉罕大路

且旁通阿爾台小路處甚多實為險要之地今

臣至修城處所時其城已築高至五尺此際現

令綠旗兵等加力修築令高一丈合計塼城共

高至一丈五尺其餘防守事宜已為堅固但周

圍十有二里甚屬遼闊現兵一萬五千九百餘名僅足支守城之用應再於城垣左右增兵守隘庶賊來可資攻禦計修城處所距察罕度爾一千四百餘百難於策應伏乞

皇上勅令盛京吉林黑龍江內扎薩克等處撥兵前往駐防於軍務實有裨益奏入

上諭大學士等曰據靖邊大將軍傅爾丹仍欲令兵丁在科卜多地方駐劄防護爾等會同大將軍馬爾賽

將應駐應撤之處確議具奏再將查克旦率領駐劄庫卜克爾地方兵丁應否撤於察罕度爾之處一併議奏尋議科卜多所駐之兵遠隔察罕度爾千有餘里勢難捍衛察罕度爾地近喀爾喀游牧如令大兵會集駐劄不惟軍威強盛而防護亦有裨益應撤回科卜多兵駐劄察罕度爾其庫卜克爾兵亦應撤往奏入

上從之

上諭理藩院曰青海扎薩克一等台吉恭格効力有年
前羅卜藏丹津叛逆時在哈瑪爾嶺奮勇殺賊今又
追擒諾爾布著加恩封為公爵

戊申

命護軍統領馬拉自藏回京

上諭大學士等曰從前降旨令馬拉回京今藏內現有
僧格色進忠邁祿青保苗壽等數人辦理事務馬拉
著遵前旨回京一路防衛兵丁或四五十名或百名

馬拉酌量帶回謹慎行走

命停土爾扈特使臣往西藏

上諭大學士等曰爾等行文與鼐格土爾扈特之使臣若至彼處暫且不必令往西藏著在達賴喇嘛處居住若已過去亦著退回伊等日用之費著四川督撫寬裕給與

諭西藏貝勒頗羅鼐嚴備準噶爾

西藏貝勒頗羅鼐等奏報準噶爾欲送回拉藏

之子蘇爾雜於西藏立以為汗得

昔準噶爾殺害拉藏將其子蘇爾雜擄去今稱送回西藏我兵須嚴為防備從前策妄阿喇布坦遣策零敦多卜襲西藏時亦誑稱噶爾丹丹津同其女來藏乘其不備進兵襲取藏地今送回蘇爾雜之言正噶爾丹策零施行姦計若唐古忒部落少為玩忽即蹈從前策零敦多卜之故轍矣準噶爾賊人既殺拉藏豈有實心將蘇爾雜送回西藏令代父職之理著頗羅

彙將此情由曉諭衆唐古忒知之準噶爾賊人揚言
發兵五千護送蘇爾雜道途險阻全軍豈能齊到目
今西藏有內地兵丁二千名換班兵丁五百名又駐
防察木多兵一千名現催來藏爾處亦有訓練蒙古
兵丁應與駐劄西藏大臣會同商議於阿里哲斯肯
圖魯克勒底雅等處要隘遠設卡倫詳加瞭望協力
防守準噶爾賊衆若以兵隨蘇爾雜斷不可容留即
迎戰擊退賊敗走時亦斷不可追襲蘇爾雜父兄被

人殺害伊豈不怨恨若果思報讎並感戴朕恩帶領
數人恭順來歸爾等收留悉心安頓至若立汗之事
當令達賴喇嘛班禪額爾德尼奏聞於朕方可建立
豈可令噶爾丹策零任意妄行頗羅鼐原扶助拉藏
効力行走後因拉藏被賊殺害朕令爾料理西藏事
務爾約束唐古忒實心効力是以加恩封爾為貝勒
今蘇爾雜若果率領數人來歸爾即行奏聞候朕另

頒諭旨

辛亥

撫遠大將軍大學士忠達公馬爾賽赴北路軍

營

上命

皇四子祭告

奉先殿王以下官員於西長安門外送行

上勅諭之曰奉

天伐罪治世之常經鋤暴除兇安邊之遠略逆賊噶爾

丹策零者狂悖冥頑父子濟惡妄欲侵凌我屬國窺伺我邊陲包藏逆心狡焉思逞朕以此賊不除終為衆蒙古之隱患是以命將興師聲罪致討然稱兵耀武非朕本懷臨以天威許其悔悟未嘗督責將士立事掃除此朕數年以來靖固邊圉撫綏屬國之謨略也茲特命爾為撫遠大將軍統領滿洲蒙古綠旗大兵爾其彈壓邊疆肅清僻壘申明紀律鼓勵戎行鎮靜以俟機神明以制勝持重以固守整衆以宣威勿

恃兵強而輕視賊徒勿謂已能而不納衆論密偵遠探廣意外之防維先事熟籌決萬全之勝莫勿冒險以輕進勿貪功而深入各路大兵及蒙古兵丁聽爾調遣凡遇駐劄處加謹約束兵將所過地方申嚴軍令毋得騷擾百姓毋得淫人妻女毋得離散人之父子夫婦毋得損壞人之墳墓室廬毋得彊取貨物毋得驅役平民其或臨戰退縮貽誤撓亂軍機者文官四品以下武官三品以下即以軍法示衆官兵有犯

小過者徑行處治有勞必錄有過必懲法紀務極嚴
明賞罰悉期公當賊中有窮蹙來歸者加意撫恤其
不抗拒官兵者勿加殺戮一切機宜爾酌量調遣有
應知會西路寧遠大將軍者即行知會一同辦理爾
其嚴重精詳殫心奮力以副朕戡亂靖逆安民綏衆
之至意欽哉故勅

甲寅

寧遠大將軍岳鍾琪奏言臣遵

旨襲擊烏魯木齊於七月十二日自巴里坤啟行經行
伊勒布爾和碩五百餘里直至穆壘河並無賊
壘於二十三日臣統領大兵至阿察河有賊夷
數百來誘我師臣即直前迎擊賊人敗走追至
額勒穆克河有賊三四千人隔河踞山分兵為
三隊臣先令總兵官張元佐等率步兵為右翼
提督紀成斌率馬兵為左翼總兵王緒級曹勳
等率兵由中路策應又令叅將黃正位等率勇

健兵從北山抄襲賊人之後官兵爭先並進攀援山梁直衝賊隊自辰至午盡奪其所據山梁賊往西遁逃殺死者無筭會日暮途險未可窮追即劄營留駐二十四日奉

上諭令臣略行襲擊即撤兵回營臣追賊夷距納林河不遠計兩日可至烏魯木齊而烏魯木齊附近賊皆遠徙深入無益臣於七月二十五日統領大兵歸已里坤仍按程伏兵禦後臣遵

旨襲擊并旋師日期合行奏

聞得

旨岳鍾琪此次領兵襲擊賊衆進退遲速俱合機宜弁
兵等鼓勇爭先同心効力甚屬可嘉著岳鍾琪將在
事有功之人分別造冊送部俟成功之日一併從優
議叙賞賚其陣亡及帶傷之兵丁著照例賞卹

靖邊大將軍傅爾丹奏言准大學士咨稱副將
軍巴賽查納弼參贊馬爾薩副都統舒楞額等

率兵進剿至今無信應查明奏

聞臣自至科卜多後詳細訪問已賽等總無確音今有
從賊營回歸之正紅旗前鋒校薩明阿據稱中
賊刀傷被擒遇土默特營總拉察卜云副將軍
已賽查弼納於六月二十八日越嶺至一小河
俱戰歿又有賊營回歸之正黃旗護軍海壽係
叅贊馬爾薩傳事之人據稱六月二十八日隨
馬爾薩至哈爾哈納河相近紅石崖下馬爾薩

中鎗陣亡海壽救援被擒等語查薩明阿海壽
二人俱係被擒從賊營回歸所報屬實至舒楞
額未得確音俟查明再奏奏入報

聞

乙卯

備給赴藏滇兵衣裝糧馬

上諭大學士等曰察木多駐劄之雲南兵一千名令其
前往西藏備用爾等已行文與總督鄂爾泰及西藏

辦事大臣等但雲南省城轉行察木多路途紆遠可
行文與駐劄察木多之大員以旨到日該員即將兵
丁應用之馬匹衣裝等項料理齊備將弁等統領即
速起身按程前進不必候雲南文書其一應馬匹衣
裝口糧俱著寬裕應付毋得遲誤

丁巳

上諭理藩院曰據青海郡王額爾德尼額爾克托克托
彙奏稱年力衰邁請令伊子代伊在軍前行走額爾

德尼額爾克托克托彙曾經効力之人甚屬可憫著
將伊子內可以襲替王爵者指出一人朕加特恩封
為長子令代伊効力行走

平定準噶爾方略前編卷二十五

欽定四庫全書

平定準噶爾方略前編卷二十六

雍正九年秋九月癸亥

訓諭喀爾喀屬人

上諭喀爾喀屬人等曰喀爾喀騎射諳練丁壯強幹勇
於戰陣厄魯特不嫻騎射性懦弱而誇張惟長槍是
賴一經敗北不敢回視後因喀爾喀傾心經典惟以
尊崇佛教為事不習技勇而厄魯特巧詐性成乘爾

七旗不備突然加兵是以被其攻擊不能保全遂至失所當圖謝圖汗哲卜尊丹巴胡土克圖奔赴

聖祖仁皇帝請救時

聖祖憐念從前恭順納貢收留養贍安插內地其喀爾喀各頭領仍照向來等次晉封汗王貝勒貝子公台吉扎薩克加恩賞給俸祿令各回原處居住安享康樂迄今已三四十年矣從前大兵於烏蘭布通地方擊敗噶爾丹噶爾丹復來犯克爾倫地方

聖祖親統兩路大兵征勦噶爾丹於圖拉地方被我兩路大兵擊敗勢窮力竭奔至薩克薩圖古里克地方死亡殆盡其後因策妄阿喇布坦煽誘離間意在收取喀爾喀

聖祖洞悉其情保護喀爾喀於疆界處駐兵十有一年又以準噶爾逼近喀爾喀不免侵擾命大兵踰阿爾台深入額米爾齋爾地方再三掃蕩厄魯特肝膽俱碎今知噶爾丹策零又欲侵擾喀爾喀朕於扎克拜

達里克及察罕慶爾等處不惜千萬糧餉添兵數萬
特為喀爾喀耳邇來北路軍前將軍大臣等輕兵進
勦未及深察地利頗為失律然鏖戰十有餘日殺傷
賊人數千行軍勝負乃其常事聞爾喀爾喀以宵小
捏傳準噶爾賊由科卜多烏蘭古木地方兩路來犯
之語坐臺喀爾喀竟各棄牲畜搶奪驛馬離站四散
爾喀爾喀各台吉感恩効力朕所深知爾等屬人止
據流言遽爾驚竄何懦怯之甚歟爾等試思之準噶

爾賊人盜取馬匹而外不敢與勁敵曠日持久計其
人衆不過三四萬內地大兵數萬現駐爾地西疆何
必畏懼退縮乎今準噶爾賊動曰往食懦弱喀爾喀
即此一言豈丈夫之所堪受昔日噶爾丹攻擊爾等
時和托輝特根敦貝子錫卜推哈坦巴圖魯等尾隨
噶爾丹擊敗準噶爾取其馬匹駝隻和托輝特亦喀
爾喀部落人也爾等何不效法之嗣後喀爾喀各部
人將朕所降諭旨各銘於心凡遇行陣坐卡殿後等

處勇往効力斷不可上負

聖祖及朕深恩並貽羞於爾部主不過數年勞瘁便可
永息兵革常享安樂矣其各勉之

甲子

寬免青海公拉察卜等

副都統達鼐等奏言青海公拉察卜原係封為
貝子前因羅卜藏丹津叛亂餘衆俱赴西寧拉
察卜獨逃往喀木降封公爵今又無故逃遁理

應治罪正法但其情因畏懼且追兵一至旋即
迎降可否從寬交與西寧總兵官永遠圈禁其
長子察罕喇卜坦預先歸降應請授為扎薩克
一等台吉統轄該旗屬人至與拉察卜同逃被
擒之察罕喇卜坦向為土爾扈特微末台吉相
依親王戴青和碩齊察罕丹津因不從羅卜藏
丹津之逆

皇上加恩授為扎薩克一等台吉乃無故潛逃於前又

未經迎降於後理應正法但尚未乘亂生事亦請從寬交與西寧總兵官鎖禁再察罕喇卜坦之族弟協理二等台吉達爾濟現居駐牧之地不肯同逃請卽以之承襲察罕喇卜坦之扎薩克台吉則其屬人佐領可不致改隸他人矣奏入得

旨拉察卜係察罕丹津兄之子察罕丹津効力有年著將拉察卜寬免交察罕丹津管轄察罕喇卜坦從前

征勦羅卜藏丹津亦曾効力并著寬免交伊弟台吉
達爾濟嚴加管束餘依議

丙寅

靖邊大將軍傅爾丹奏移科卜多兵駐察罕度
爾

傅爾丹奏言臣等遵

旨公議率科卜多兵撤回察罕度爾今陸續自賊營回
歸之人皆言賊兵在華額爾齊斯地方查華額

爾齊斯在阿爾台之旁科卜多城之西南相距
不遠尤與布拉罕路口甚近今城內所貯官物
甚多萬一率衆還時賊擾吾後不可不慮至官
物內可土埋者惟鐵器其餘糧二萬三千石銀
八十萬兩火藥鉛丸帳房緞布茶葉等皆軍營
要物約需駝一萬二千隻方能運載臣已行文
順承親王及喀爾喀三處副將軍傳集駝隻到
後臣率兵由科卜多河東北一路赴察罕廈爾

駐劄奏入報

聞

丁卯

靖邊大將軍傅爾丹奏策零敦多卜擾亂情形

上命西路嚴設備禦

傅爾丹奏言今有海壽巴顏毛勤吹扎木素畢
里克圖等陸續自賊營回歸據稱賊自和通淖
爾向西北行月餘渡額爾齊斯河大策零敦多

卜在華額爾齊斯居住小策零敦多卜在喀喇
額爾齊斯居住賊兵約有三萬散駐圖喇托輝
及庫克德勒蘇等處小策零敦多卜意欲退回
大策零敦多卜決計由必濟一路前往擄掠公
通摩克攻取察罕廋爾至杭愛過冬謹此奏

聞奏入得

旨朕覽地圖華額爾齊斯離巴里坤甚近雖隔沙磧聞
雪降冰凍之後即可行走現今西路軍營各路俱嚴

固防守似無可慮但恐賊人自華額爾齊斯過哈卜
塔克拜塔克經由鹽池圖古里克以盜劫塔勒納沁
之牲畜殊屬可虞大將軍岳鍾琪務籌防範萬全之
策再嘉峪關至巴里坤一路臺站甚為緊要賊若從
旁衝入臺站自被其阻隔將此行文岳鍾琪查郎阿
知之

戊辰

命停伊禮布赴察罕度爾軍營

上諭大學士等曰前因北路軍營大臣尚少降旨令伊禮布由阿濟必濟前赴察罕慶爾等候大將軍馬爾賽今賊人來擾阿濟必濟亦未可定伊禮布不可冒險前行著行文伊禮布令回至巴里坤軍營候旨命撫遠大將軍馬爾賽緩赴軍營

靖邊大將軍傅爾丹奏言賊人犯黃甲舒魯克之地距科卜多城五十餘里臣已將馬匹牲畜收入城中固守奏入得

旨大將軍馬爾賽並無軍營急辦事務今賊人又來犯
科卜多地方可行文令其緩行前進若臺站已斷或
酌量回來或尋嚴固地方駐劄偵探

已已

命順承親王錫保等嚴守察罕廋爾地

上諭大學士等曰賊人來犯科卜多或以全力侵察罕
廋爾扎克拜達里克亦未可料著行文順承親王錫
保王丹津多爾濟等保固軍需馬匹并喀爾喀游牧

處賊人凡有侵掠錫保乃總理調遣事務之人斷不可輕離察罕廈爾即有調遣事宜錫保可遣彼處之大臣等領兵前去王丹津多爾濟雖係副將軍亦宜與錫保在一處辦理若無朕旨斷不可輕動

庚午

訓諭四十九旗扎薩克蒙古等

上諭扎薩克蒙古等曰爾等於

太宗皇帝時即敬順歸降創業之際輔佐効力至於朕

身受恩四世爾等感戴之忱朕所確知爾等之騎射
技藝亦倍勝於準噶爾但恐爾等之意以喀爾喀遠
居絕塞準噶爾即有劫掠亦不過及於喀爾喀爾等
可置於度外不知喀爾喀之王台吉俱係爾等清吉
思汗之苗裔一姓之兄弟也準噶爾者自元朝背叛
至今世為爾等讎敵喀爾喀乃衆扎薩克之屏障可
置於度外乎從前

皇考親自領兵在圖拉招摩多地方滅噶爾丹保全喀

爾喀者亦為爾衆蒙古也其後策妄阿喇布坦之兵來侵哈密被我兵擊敗來擾吐魯番被我兵勦殺又暗使策零敦多卜等襲破西藏

皇考為爾衆蒙古奉佛之地遣將興師破賊定藏今朕於兩路駐劄大兵亦為爾內外之蒙古也前大將軍傅爾丹等輕信賊言領兵深入千餘里賊人據險來犯遂至失利然傷殺賊人至於數千亦互有勝負也嗣後王台吉與弁兵等果能出羣効力朕自從優議

叙并賜與世襲巴圖魯達爾漢之號使令名垂於永
遠準噶爾事定之後干戈永息長享太平之樂矣勉
之勉之

辛未

命保護哲卜尊丹巴胡土克圖

上諭大學士等曰哲卜尊丹巴胡土克圖乃七旗喀爾
喀供養之大喇嘛額駙敦多卜多爾濟可加意防備
若賊人有來侵庫倫之信將胡土克圖速避來至多

倫淖爾居住

壬申

靖邊大將軍傅爾丹奏言據烏蘇圖舒魯克卡
倫之侍衛達什勒圖報稱有賊萬人在洪郭羅
淖爾地方又科卜多城外三十餘里有賊五六
百人欲往布延圖地方臣等方嚴兵固守賊或
來攻即相機剿殺奏入報

聞

丁丑

優恤西路有功廢疾兵

上諭大學士等曰上年西路擊賊有功及帶傷患病之兵丁前已降旨令其各回內地營汛休息調理以示恩恤其凍傷手足致成殘疾者舊例查其子弟一人入伍食糧仍令地方官每月給米三斗養贍終身朕思本兵若成廢疾而家無可以入伍食糧之子弟恐月給官米三斗不敷糊口之用實為可憫著該管大

臣確查上年西路兵丁因擊賊受傷致成廢疾而家無子弟入伍者俱給與守糧一分以終其身用示朕加恩優恤之至意

振武將軍順承親王錫保奏言據圖壘卡倫之察哈爾章京西喇等報稱圖壘毛海空克爾庫克齊圖等處俱有賊兵往來又賊兵二千由阿哈爾拜已至奎素地方并分兵往大蘭一路臣令喀爾喀副將軍郡王額駙策凌貝子羅卜藏

等統兵分覓賊踪迎擊奏入報

聞

戊寅

訓諭撫遠大將軍馬爾賽率兵駐劄事宜

上諭大學士等曰從前大將軍馬爾賽奏稱聞賊人有來犯科卜多之信臣請暫居第十五臺候順承親王再發咨文差人至推河探信賊人來犯察罕度爾臣往會漢軍兵營調右衛兵一千歸化城兵一千在烏

喇特北形勝之地駐劄以安慰內地扎薩克若無賊
信仍往察罕廈爾等語朕以此奏甚是宜駐臺站不
必前往察罕廈爾辦事令將右衛一千兵歸化城一
千兵俱各妥備聽候馬爾賽調遣續經馬爾賽又奏
稱賊人駐於科卜多地方近處臣自第十五臺起行
差人前去探信急赴察罕廈爾等語朕以此奏妄謬
仍令其遵旨駐劄臺站朕兩次所降諭旨尚未到今
馬爾賽又奏稱賊人已在奎素地方欲會合漢軍四

千兵喀喇沁一千兵並調右衛歸化城各一千兵前
赴推河等語凡事宜審定之後方可相機而行若聞
一賊信即輾轉不定如何辦理馬爾賽今帶領七千
兵至推河何用此奏甚屬不合近喀爾喀副將軍丹
津多爾濟奏稱若令漢軍兵四千駐劄在四子部落
旗分皆曠野之地如遇雪大之年必無柴薪請將此
兵駐劄於歸化城相近有柴之處等語已經行文於
領兵前往之侍郎諾爾琿等今暫駐於歸化城翁袞

山附近有柴木水草之處候旨爾等行文馬爾賽賊人若無侵犯察罕度爾搶臺等信仍遵前旨駐劄臺站倘有賊信急撤回於歸化城相對第十四臺駐劄候旨

丙戌

命馬爾賽率漢軍等兵駐劄翁衮

上諭大學士等曰歸化城北翁衮地方係八旗察哈爾西界四子部落毛明安烏喇特東界於適中形勝之

處調度二面亦屬容易著行文於大將軍馬爾賽令
伊帶領漢軍兵四千會同喀喇沁兵一千名往翁
地方環山有樹木水草之處駐劄

冬十月乙未

定科爾沁及京兵駐劄處所

大學士等議奏西寧撤回台吉袞濟扎卜所領
科爾沁兵七百令赴察哈爾八旗昂古里等處
適中之地駐劄應自京城派正藍旗蒙古副都

統黑色同駐以防盜賊再京城預備六千兵內
請撥二千令都統薩穆哈副都統瑚琳率領於
張家口外洮賚廟察罕托羅海附近駐劄以便
彼此聲援奏入

上從之

撫遠大將軍馬爾賽奏言據二十九臺章京達
賴報稱賊人越那木山嶺至白格爾察罕鄂爾
格掠去輝特公巴濟土爾扈特郭恭喇嘛弟子

及厄魯特王塞卜騰旺布之班第賊兵一半進
西爾哈戈壁向郭多里巴勒噶遜一半向杭愛
由圖拉前進總會於額爾得尼招以犯喀爾喀
游牧奏入報

聞

戊戌

上諭大學士等曰歸化城地方緊要前所派京城兵四
千名內著派出二千名令副都統瑚琳歸化城副都

統席爾塔帶領前往歸化城駐劄其瑚琳原領張家口外駐劄之兵著都統薩穆哈副都統宗室諾穆柱統領歸化城副都統五十六著先往會同都統丹津辦理事務康親王令其暫駐歸化城候旨又

諭曰爾等寄信與順承親王從前朕意以賊人雖侵犯科卜多城糧餉不繼自必退去今聞賊人又分撥兩隊一隊搶奪卡倫直至阿濟必濟及公巴濟游牧處其一隊越過庫克嶺竟投喀喇阿濟爾罕地方又因

厄魯特毛海策凌及多爾濟塞卜騰等屬下之人乘
機搶掠臺站斷截是以令馬爾賽帶領大軍從臺站
一路前往推河扎克拜達里克等處駐劄厄魯特若
將搶掠之牲畜接濟賊人則賊人既得糧餉勢必久
居或以大力來犯察罕廈爾擾亂喀爾喀或由阿濟
以犯西路軍營俱未可定順承親王處若通信於傅
爾丹有可以撤回機會整兵速回察罕廈爾則兵力
益覺壯盛矣倘此際賊人已圍困科卜多應如何退

賊及應否應援之處順承親王會同喀爾喀副將軍等商酌萬全而行

撫遠大將軍馬爾賽奏言據辦理扎克拜達里克糧餉原任巡撫西琳報稱賊人至扎克拜達里克城南噶里特之地劫掠牧場駝馬又據三十一臺至四十二臺章京額林沁等報稱各臺均有推河居住厄魯特王塞卜騰旺布及貝勒多爾濟塞卜騰之屬人乘機擄掠奏入報

聞

己亥

命選兵駐翁吉等處專理臺運

上諭大學士等曰大將軍馬爾賽著於漢軍兵內揀留
八百名土默特兵內揀留二百名在二十七二十八
臺之間翁吉等處擇水草茂盛之地駐劄專行照管
軍臺運路令都統李林統領其土默特之兵著於土
默特參領內選擇幹員可以管轄者給與副都統職

銜令其管領

叛賊諾爾布里塔爾伏誅

刑部等銜門議奏據辦理青海事務都統德成等執送叛賊諾爾布里塔爾赴部鞠訊諾爾布乃土爾扈特一小姓台吉羅卜藏丹津叛逆時伊父曾少効力

皇上格外加恩不令隸屬青海特授扎薩克一等台吉又令派往柴達木軍前乃忽行叛逆劫馬拒捕

里塔爾身為佐領乃附逆作亂俱應照律擬斬
發往青海立決示衆諾爾布叛逆時妻子皆在
游牧知即泥首請罪應免其為奴其胞弟色特
爾布木既不知情又追捕拉察卜有功已加
恩令其承襲扎薩克一等台吉諾爾布妻子即交與色
特爾布木管束養贍奏入得

旨諾爾布里塔爾俱著解送西寧口外即行正法免其
示衆餘依議

庚子

散秩大臣伯欽拜理藩院左侍郎納延泰副都

統阿岱俱

命為撫遠大將軍叅贊

癸卯

命加恩喀喇沁將士等

賞賚有差

上諭大學士等曰天氣寒冷帶領喀喇沁兵丁之副都

統塔爾馬善著賞銀一千兩貝勒僧袞扎卜公羅卜
藏策卜登各賞元狐帽一頂貂皮馬褂一件前派出
之土默特官兵已降旨於大將軍馬爾賽酌量賞賜
今喀喇沁兵丁亦照例賞給

甲辰

命揀選察哈爾厄魯特兵預備調派

上諭大學士等曰今預備派出之察哈爾兵二十名其
缺額著挑補察哈爾八旗佐領多寡不同此次挑補

兵丁不必拘泥旗分佐領但擇漢仗好者挑取若不
得二千名即一千五百名或一千名亦可所挑兵丁
照常支給錢糧並賞與製造軍器銀兩再察哈爾地
方居住之厄魯特不拘旗分著共派四百名每翼各
二百名至照看伊等妻子游牧亦屬緊要伊等父子
弟兄內但看其漢仗好者揀選不可全行派出

命加一等待衛圖爾賽副都統銜往北路軍營

增四川泰寧協鎮駐防兵

四川總督黃廷桂等奏言達賴喇嘛移座泰寧
舊泰寧協鎮原駐兵五百以為防護泰寧至打
箭爐道路險阻請再撥五百兵駐防則軍威震
疊與里塘巴塘西藏聲勢聯絡大學士等議覆
應如所請奏入

上從之

乙巳

訓飭撫遠大將軍馬爾賽

上諭馬爾賽曰爾從前奏稱備兵一事已行文於順承親王等語爾領兵尚未至察罕度爾並不知軍前之情形即欲指示順承親王殊覺不合現今蒙古扎薩克等俱遵靖邊大將軍印信行事若又用撫遠大將軍印信調遣則蒙古等難以遵行撫遠大將軍印信除奏章及行部咨文鈐用外其調遣兵丁等事不准鈐用昨爾又奏稱將烏喇特毛明安四子部落蘇尼特阿霸垓等旗察哈爾兩翼各預備兵一千聽爾調

遣等語烏喇特等扎薩克察哈爾旗分皆邊外之兵
豈可妄動爾即欲預備調遣亦當請旨乃並不奏聞
即行調遣甚屬背謬再爾所偵探軍機並不確實即
行具奏辦事亦甚含糊嗣後爾宜盡其所長効力行
走

丁未

訓諭募選兵丁大臣官弁等

上諭大學士等曰年來因征勦準噶爾將滿漢兵丁陸

續派出特令召募以實營伍凡膺募兵之任者自應秉公持正不徇情面精選技勇壯健之士則戎行可收實效而軍餉亦不至於虛糜朕聞召募新兵多屬本營兵丁之兄弟子姪親戚朋友互相援引該管將弁惟期充足數目不復較量人才以致老弱無能者俱得入選而民間強壯之人莫由入伍是將選兵重大之務視為具文矣現今降旨募選兵丁著該部通行曉諭令該管大臣官弁等屏除向來積弊公正辦

理將來朕必遣官考驗若有將老弱無能之人冒濫
入伍者必將挑選之員從重議處若技勇之人不敷
挑選著聲明緣由請旨毋得苟且塞責

已酉

命撥土默特兵護臺備賊

上諭大學士等曰據馬爾賽奏稱漢軍兵丁馬匹已挑
選換給喀喇沁兵丁今所剩馬六十餘匹俱疲瘦不堪
堪乘騎等語朕思既無馬匹漢軍兵丁斷不可前往

著副都統圖爾賽席爾塔帶領土默特兵一千名前
進令其自十三臺至二十七臺每隊派兵二百名分
為五隊派撥滿洲侍衛官員管理照看臺站運糧道
路防範賊盜前往推河扎克拜達里克探聽倘有賊
兵信息即在翁吉地方駐劄

青海厄魯特郡王額爾德尼額爾克托克托爾
奏言

皇上恩旨命臣於諸子中異日可襲王爵者舉出一人

加

恩立為長子臣長子阿喇布濟因擒獲叛逆諾爾布已

蒙

恩授為一等台吉臣三子索諾木丹津立志向上臣遵
旨請將此子襲替奏入得

旨索諾木丹津著照伊所請封為長子阿喇布濟効力
行間加恩晉封為輔國公

庚戌

命安輯公通摩克人衆

上諭大學士等曰據侍郎納延泰奏稱準噶爾賊人搶奪阿濟卡倫將公通摩克旗下兩個佐領擄去其公通摩克巴濟王格勒克雅木丕勒等扎薩克之游牧俱向南移往訥木勒圖喀喇博羅雅蘇圖烏蘇圖等處朕思公通摩克旗下既被賊人搶奪兩個佐領其牲畜等物必致散失伊等雖將游牧南移料其人衆必有匱乏失所者著即傳諭總督查郎阿提督宋可

進作何遣人前往料理安插務使人人得所其餘被
賊侵擾遷移之公巴濟等或亦有倉猝遷移遺散牲
畜至於匱乏者亦著照看料理

辛亥

上諭大學士等曰前命侍郎納延泰往大將軍馬爾賽
軍營叅贊今馬爾賽既暫在歸化城駐劄著納延泰

回京

壬子

命增邊隘駐防兵並築邊牆

上諭大學士等曰沿邊一帶地方最為緊要向來額設之兵太少古北口宣化大同三處應召募兵丁添入防汛以實營伍獨石口以東至三海關皆屬內地各處營汛仍照舊規其獨石口以西至殺虎口一帶中間緊要隘口必須查勘明白以定添兵多寡之數至於邊牆年久倒塌而地當緊要者亦應酌量修築以肅邊境著御史舒喜天津總兵官補熙會同古北口

提督路振揚親往踏勘召募之兵何處應添若干何處應駐大員或叅遊改為副協邊城何處應行修理路振揚等可會同各該提鎮詳悉定議具奏天津總兵官印務著鑿儀衛冠軍使孫承恩暫行署理路振揚現有召募兵丁之事今既奉差公出其募兵之事著路振揚遴選公明可信之人代為辦理再差副都統韓光基前往古北口督率查驗尋議邊防最關緊要直隸山西沿邊一帶提鎮協標及各口汛兵

額設之數尚覺不敷請於直隸古北口提標增
兵一千六百名獨石口增兵六百名宣化鎮增
兵二千名張家口三營增兵八百名山西大同
鎮增兵二千七百零八名殺虎口增兵一千零
四名朔平府城守增兵八百名得勝路增兵二
百八十八名助馬路增兵二百名直隸山西二
省各增兵五千名至其多寡之處提鎮等確有
所見即再據實陳奏奏入

上從之

嘉獎厄魯特郡王塞卜騰旺布

塞卜騰旺布奏言臣父阿喇卜坦歸命以來世受

聖恩頃聞賊信方欲與貝子毛海策凌議遷內地不意
二人率管旗章京班第佐領索吞等五百餘人
叛投噶爾丹策零臣義不肯貳與宰桑數人兵
百餘人居此候

旨奏入得

旨塞卜騰旺布素為朕所嘉與今感戴朕恩竭力保護
所屬人等不致妄動具奏請旨可嘉可憫已諭理藩
院遣人照看矣伊可酌量嚴密之處即遷移駐牧朕
隨即加恩並其所屬宰桑官員以及閒散人等亦俱
加恩務令其寬裕

癸丑

管理阿爾台臺站郎中倫岱奏言前賊人擾亂

臺站臣遵

旨安撫蒙古前至二十二臺皆已綏輯復據賽爾烏蘇
等處管理臺站委署章京常保報稱自二十三
臺抵三十臺亦已安撫妥協又據鄂爾錐圖郭
勒等處管理臺站之員外郎窩星額報稱順承
親王今其率兵安撫四十七臺至三十一臺令
亦皆已寧靖奏入報

聞

甲寅

副都統銜阿成阿奏言臣率家選兵二千行過
噶勒賓戈壁因嚮導之蒙古逃去臣即從古爾
班賽堪山後尋覓水草行至烏克蘭空克爾聞
賊人搶奪扎克拜達里克北邊臺站臣遂率兵
於十月十七日至扎克拜達里克與辦理糧餉
之原任巡撫西琳備兵守城仰懇

皇上隆恩賞給兵丁糧馬前赴巴里坤奏入得

旨爾等沿途未得嚮導尚能勉力至扎克拜達里克可
憫可嘉今不必前往巴里坤即駐劄扎克拜達里克
候旨其糧餉馬匹等事已降旨於西琳從厚辦理賞
給

乙卯

上諭大學士等曰北路安設卡倫之侍衛莫爾渾等因
賊兵侵擾阿濟一路伊等投往西路軍營今思阿濟
等處可以不必安設卡倫莫爾渾等著岳鍾琪送令

回京再巴里坤軍營現有歸化城降賊叅領拉察卜
之子杭金著莫爾渾等帶來又前派西路之家選兵
二千名因阿濟必濟有賊人信息已從古爾班賽堪
山後由奎通巴扎爾一路前往扎克拜達里克地方
駐劄著寄信與岳鍾琪西路不必探訪接應

平定準噶爾方略前編卷二十六